



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Si quis episcopus in crimine detentus fuerit, & non potest plurimos
congregare, à duodecim episcopis audiatur. cxlix.

urn:nbn:de:hbz:466:1-10722

tionis vitam ducunt : quoniam tales facilè & indifferen-
ter lacerant, & criminantur rectè & piè viuentes. Ideo
suspicio erum discutienda est primò & corrigenda. Ne-
que accusatoribus suspectis, vel de inimicorum domibus
prodeuntibus credendum.

*Episcopus si ab aliquo pulsatur, per episcopos iudices
causa finatur. Cap. CXLV.*

SI quis episcopus à quoquam impetitur, vel ille aliquam *Ex cõcil.*
quæstionem retulerit, per episcopos iudices causa fi- *Spalensi,*
niatur: siue quos eis primates dederint, siue quos ipsi vi- *cap. 8.*
cinos ex consensu elegerint.

*De episcopis iudicibus quos communis consensus
elegerit. Cap. CXLVI.*

Iudices autem episcopos, quos communis consensus *Ex eodẽ*
elegerit, non liceat quemquã prouocare : & quisquis *cõc. ca. 9.*
probatu fuerit pro cõtumacia nolle obtemperare iudici-
bus. cũ hoc primæ sedis episcopo fuerit probatũ, det lite-
ras, vt nullus ei cõmunicet episcoporũ, donec obtèperet.

*Vt episcopi comprounciales peregrina iudicia non
patiantur. Cap. CXLVII.*

Peregrina verò iudicia, salua in omnibus apostolica *Ex decre.*
auctoritate, generali sanctione prohibemus. Quia in- *Fabiani*
dignum est vt ab exteris iudicetur, qui prouinciales & à *pape Hi-*
se electos debet habere iudices, nisi fuerit appellatũ. Vn- *lario epi-*
de oportet, si aliquis episcoporum super certis accusetur *scopomis-*
criminibus, vt ab omnibus audiatur qui sunt in prouincia *sis, ca. 26.*
episcopis : quia non oportet accusatum alicubi quàm in
foro suo audiri.

*De episcopo criminato, si iudicem suspectum ha-
buerit. Cap. CXLVIII.*

SI quis verò episcopus iudicem suspectum habuerit, *Ex decre.*
& viderit se ingrauari, liberè sedem apostolicam ap- *eiusdẽ ad*
pellet. Appellantem autem non habeat afflictio vlla, aut *eundẽ epi-*
detentionis iniuriôsæ custodia, sed liceat appellatori cõ- *scopũ mis-*
uiciantum causam appellationis remedio subleuare: licet *sis, ca. 27*
etiam in causis criminalibus appellare, nec appellãdi vox
denegetur ei, quem in supplicium sententia destinarat.

*Si quis episcopus in crimine detentus fuerit, & non po-
test plurimos congregare, à XII. episcopis
audiatur. Cap. CXLIX.*

Ex concil. Cartha. cap. 12. **F**elix episcopus dixit : Suggesto secundum statuta veterum conciliorum, ut si quis episcopus, quod non optamus, in reatum aliquem incurrerit, & nimia necessitas ei fuerit non posse plurimos congregare: ne in crimine remaneat, à XII. episcopis, & presbyter à sex episcopis, cum proprio suo episcopo audiatur, & diaconus à tribus.

De episcopo criminato si episcopi comprouinciales in eius criminatione dissenserint. Cap. CL.

Ex concil. Antioche. cap. 14. **S**i quis episcopus de certis criminibus diiudicatur, & contingat de eo comprouinciales episcopos disside- re, cum iudicatus ab aliis innocens creditur, reus ab aliis aestimatur, propter huius ambiguitatis absolutionem sanctæ synodo placuit, ut metropolitanus episcopus à vicina prouincia iudices alios conuocet, qui controuersiam tollant, & ut per eos simul, & per comprouinciales episcopos quod iustum fuerit visum approbetur.

Ut episcopis nullus laicus crimen imponere possit. Cap. CLI.

Ex decre. Syluest. papa, cap. 1. **I**n consensu & subscriptione omnium constitutum est, ut nullus laicus episcopo, vel alicui in ordinibusposito, crimen aliquod possit inferre. Et ut presbyter non aduersus episcopum, non diaconus aduersus presbyterum, non subdiaconus aduersus diaconum, non acolytus aduersus subdiaconum, non exorcista aduersus acolytum, non lector aduersus exorcistam, non ostiarius aduersus lectorem, det accusationem aliquam. Et non damnetur præsul, nisi in LXX. duobus idoneis testibus.

Quod inimici accusatores esse non possint. Cap. CLII.

Ex decre. Anacleti papa, omnibus episcopis missis, ca. 37. **A**ccusatores autem & testes esse non possunt, qui in proximo facti sunt inimici, ne irati nocere cupiant, ne læsi vlcisci se velint. In offensis igitur, accusatorum & testium affectus quærendus est, & non suspectus.

Ut episcopi accusatorum episcoporum iudices esse debeant. Cap. CLIII.

Ex decre. Damasi papa, cap. 3. **A**ccusatorum episcoporum iudices esse decernimus episcopos sapientes, rectè & iustè volentes. Qualiter accusatus episcopus discutiendus sit apud patriarchas vel primates, & quot testibus conuinci debeat. Cap. CLIIII.